

**Deskursu husi S. E. Sr. Yoshitaka Hanada,
Embaixador Japaun nian ba Timor-Leste
Iha okaziaun Konferensia da Imprensa sobre Programas
Bolsa de Estudo husi Governu Japaun**

S. E. Sr. Virgilio Smith, Vise Ministru da Edukasaun ba
Ensinu Primariu no Sekundaria,

Senhoras no senhores,

Obrigado barak ba ita boot hotu nia prezensa iha
Embaixada Japaun hodi atende konferensia da imprensa
sobre programas bolsa de estudo ne'ebe mak oferese husi
Governu Japaun. Komesa husi 2008 Governu Japaun
kontinua simu estudantes Timor Oan no profesores ba iha
Universidade Japones sira liu husi programas bolsa de
estudo.

Agora dadaun estudantes Timor Oan nain 5 mak hala'o
hela sira nia kursu majestradu iha universidade balun
iha Japaun, espesializa iha area enjineria, harii dame
no relasaun internacional. No husi sira nain hirak ne'e,
ida ho susesu remata ninia kursu majestradu no
dotoramentu Abril tinan ne'e. Tinan oin, estudantes
Timor Oan nain 2 tan sei admitidu ba iha universidade
Japones nu'udar kandidatus ba kursu majestradu.

Alemde ne'e, profesores Timor Oan nain 2 agora dadaun
aprende hela metodu edukasional sira no lian Japones
iha universidade pedagogiku liu husi Programa Bolsa de
Estudo Treinamentu Profesores husi Governu Japones.

Tinan ida ne'e, profesores da eskola nain 3 tan, ne'ebe mak hamutuk dadauk ho ita ohin loron, sei aranka ba Japaun hodi hala'o sira nia estudu iha universidades Japones.

Liu tan, nu'udar parte ida husi ami nia koperasaun defesa ho Timor-Leste, kadetes F-FDTL nain 7 no sivil nain 1 mak agora dadaun hala'o hela sira nia estudu iha Akademia Defesa Nasional Japaun. Sira hala'o dadaun kursu iha area siensia no enjineria ne'ebe mak nesesariu ba defesa nasional no desenvolvimentu nasional Timor-Leste nian nune'e mos atende dadauk treinamentu military hamutuk ho estudantes internasional sira seluk. Tinan oin, kadetes nain rua tan ne'ebe mak rekomenda husi F-FDTL sei tama ba iha Akademia Defesa Nasional no sei halo kadetes Timor Oan sira sai nu'udar grupu national ne'ebe mak famosu iha Akademia laran.

Entaun, Timor oan nain 15 admitidu ba iha universidade Japones. Timor Oan nain 7 tan sei admitidu ba iha universidade Japones. Ho Governu Japaun sei konvida mais ou menus joventude Timor Oan naon 160 liu husi programa interkambiu ba joven to'o fulan Marsu tinan oin. 110 Timor oan sei partisipa treinamentu husi JICA to'o fulan Marsu tinan oin.

Hau hakarak atu foti oportunidade ida ne'e hodi hato'o hau nia agradesementu ba Ministeriu da Edukasaun ne'ebe mak hili no rekomenda ona profesores da eskola ne'ebe mak ekselente iha ne'e mai Embaixada. Hau hakarak atu hametin liu tan ita nia koperasaun ho Ministriu da

Edukasaun iha programa bolsa de estudo no programa interkambiu ba joventude sira, ho hanoin ne'ebe mak luan hodi kontribui ba rekursu humanu no harii nasaun Timor-Leste nian.

Obrigado barak ba ita boot sira nia atensaun, no agora hau hakarak atu fo fali tempu ba Vise Ministru Virgilio Smith hodi koalia, nia mak sempre simu hau nia konvite sira husi kedas nia sei nu'udar Secretariu do Estado Kultura nian iha IV governu konstitusional liu ba.

[REMATA]